


# PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG  
09 OGOS 2016  
SELASA



AKHBAR	TAJUK BERITA	M/S
BERITA HARIAN	PEMBERITAHUAN TAWARAN	2
BERITA HARIAN	JOHOR GARIS LIMA LANGKAH MODENKAN PBT	3
SINAR HARIAN	LIMA SARANAN MB	4
HARIAN METRO	GARIS LIMA PANDUAN	5
UTUSAN MALAYSIA	JOHOR CIRCUIT DIBANGUN SEMULA	6
THE STAR	FOREIGN RESIDENTS PLAY THEIR PART IN THE FIGHT AGAINST DENGUE IN PASIR GUDANG	7
HARIAN METRO	BELUM CAPAI STANDARD MACAM NEGARA MAJU	8



## BERITA HARIAN

9/8/16



**MAJLIS PERBANDARAN PASIR GUDANG**

**PEMBERITAHUAN TAWARAN**

Tawaran adalah dipelawa daripada pemborong-pemborong BUMIPUTERA yang dinyatakan dan berdaftar dengan **LEMBAGA PEMBANGUNAN INDUSTRI PEMBINAAN MALAYSIA (CIDB)** di bawah tajuk / kod bidang berkaitan dan yang masih dibenarkan membuat tawaran buat masa ini bagi kerja-kerja berikut :-

BIL	JENIS KERJA & BILANGAN TAWARAN	GRED, KATEGORI, PENGKHUSUSAN	HARGA DOKUMEN
1.	CADANGAN PEMBANGUNAN LAMAN EKSTRIM DI DATARAN SUKAN, PASIR GUDANG, JOHOR DARUL TAKZIM  MPPG/T25/2016/BPK/BLS	Gred G5  Kategori CE  Pengkhususan CE14	RM600.00

**Lawatan Tapak (KEHADIRAN ADALAH WAJIB)**  
Tarikh/Hari : 21/08/2016 (AHAD) Masa : 10.00 PAGI  
Tempat : DEWAN SERBAGUNA,  
ARAS 1, MENARA AQABAH, PASIR GUDANG

Dokumen tawaran boleh didapati mulai **14 OGOS 2016 (AHAD)** hingga **4 SEPTEMBER 2016 (AHAD)** pada waktu pejabat di Kaunter Bayaran, Menara Aqabah, Jalan Bandar, 81700 Pasir Gudang, Johor dengan dikenakan bayaran seperti di atas dalam bentuk Bank Draft atau Wang Pos atau Kiriman Wang dibuat atas nama **MAJLIS PERBANDARAN PASIR GUDANG**. Bayaran secara tunai juga akan diterima.

Dokumen tawaran hanya akan dikeluarkan kepada pemborong atau wakil yang sah sahaja. Wakil-wakil Pemborong hendaklah mempunyai surat kuasa yang sah, Sijil asal (termasuk satu salinan) Sijil Pendaftaran Syarikat, Sijil Pendaftaran Pemborong, Sijil Pengiktirafan Bumiputera dan slip pendaftaran GST adalah diperlukan semasa menghadiri taklimat dan membeli dokumen tawaran. Tempoh sah laku lesen hendaklah sekurang-kurangnya 3 bulan dari tarikh tutup tawaran. Naskah Meja Tender akan dipamerkan di Bahagian Pengurusan Kontrak, Aras 10, Menara Aqabah, Pasir Gudang Johor pada waktu pejabat.

Dokumen yang lengkap diisi hendaklah dimasukkan ke dalam sampul surat yang dimeterikan dan ditulis sebelah atas kiri sampul No. Tawaran dan jenis kerja berkaitan dan dikembalikan kepada:

**Yang DiPertua**  
**Majlis Perbandaran Pasir Gudang**  
**Aras 19, Menara Aqabah**  
**Jalan Bandar, 81700 Pasir Gudang, Johor**

Tarikh tutup tidak lewat dari jam 12.00' tengah hari pada **8 SEPTEMBER 2016 (KHAMIS)** dan dikehendaki dimasukkan ke dalam peli tawaran di Bahagian Pengurusan Kontrak, Aras 10, Menara Aqabah, Pasir Gudang Johor. Pihak kami tidak terikat untuk menerima tawaran yang terendah sekali atau sebarang tawaran. **Pemborong atau wakil yang gagal memenuhi syarat atau dokumen yang dibawa tidak lengkap tidak akan dibenarkan untuk membeli dokumen sama sekali.**

Tarikh : 09/08/2016





## BERITA HARIAN

## Johor garis lima langkah modenkan PBT

BH 9/8/16

[FOTO MOHD AZREN JAMALUDIN/BH]



Mohamed Khaled bersama Pengerusi Jawatankuasa Perumahan dan Kerajaan Tempatan Negeri Johor, Datuk Abd Latif Bandi (dua dari kiri) meneliti buku selepas merasmikan majlis Konvensyen Ahli-Ahli Majlis sesi 2016/2017 dan Pelancaran Hari Terbuka Pelan Transformasi Pihak Berkuasa Tempatan (PBT) di Pusat Konvensyen Antarabangsa Persada, Johor Bahru.

**Johor Bahru:** Kerajaan Johor menggaris lima perkara bagi modenkan perkhidmatan pihak berkuasa tempatan (PBT) seterusnya meningkatkan kecekapan sistem penyampaian kerajaan negeri.

Menteri Besar, Datuk Seri Mohamed Khaled Nordin, berkata pertama adalah pembangunan modal insan yang perlu menjadi sasaran dalam setiap perancangan, pembangunan dan penguasaan sumber manusia PBT.

Katanya, PBT memerlukan tenaga kerja yang bukan sahaja rajin, berintegriti dan ikhlas bekerja, malah mestilah terdiri daripada golongan pekerja yang cekap, berkemahiran tinggi serta profesional.


"Perkara kedua, PBT perlu fokus kepada peningkatan inovasi dan kreativiti. Seterusnya PBT di Johor

harus mempunyai strategi pengukuhan kewangan sendiri, lebih tahu potensi dan keperluan kawasan mereka selain ruang bagaimana yang boleh meningkatkan hasil mereka," katanya.

#### Persekitaran lestari

Berucap pada majlis perasmian konvensyen ahli majlis PBT Johor sesi 2016/2017 dan pelancaran Hari Terbuka Pelan Transformasi PBT Johor, beliau berkata, PBT di negeri ini harus mewujudkan persekitaran lestari dalam masyarakat selain perkara kelima, iaitu mempunyai sistem komunikasi menyeluruh dan berkesan.

"Bagi menterjemahkan perkara ini, kita harus menyampaikan segala hasrat, perancangan dan pelaksanaan kepada rakyat dengan cara yang mudah dan berkesan," katanya.



# SINAR HARIAN

SH 9/8/16

## Lima saranan MB

**JOHOR BAHRU** - Menteri Besar, Mohamed Khaled Nordin memberikan lima saranan kepada pihak berkuasa tempatan (PBT) di negeri ini supaya menjadi perintis kejayaan memodenkan perkhidmatan, sekali gus meningkatkan kecekapan sistem penyampaian kerajaan negeri.

Katanya, saranan menuntut PBT mempunyai tenaga yang bukan sahaja rajin, berintegriti dan ikhlas bekerja, malah mesti cekap, berkemahiran tinggi serta profesional dan berada dalam kelas terbaik.

"Pertama, PBT adalah pembangunan modal insan yang menjadi sasaran dalam setiap perancangan, pembangunan dan pengurusan sumber manusia.

"Saranan kedua pula PBT perlu fokus pada peningkatan inovasi dan kreativiti kerana bukan mudah untuk merubah, mencipta dan memperkenalkan citra baharu," katanya ketika Majlis Perasmian

Konvensyen Ahli-Ahli Majlis PBT Negeri Johor Sesi 2016/2017 dan Pelancaran Hari Terbuka Pelan Transformasi PBT Negeri Johor, di sini, kelmarin.

Menurutnya, mempunyai strategi pengukuhan kewangan sendiri adalah saranan ketiga yang perlu ada pada PBT kerana kemandirian kewangan memberi mereka lebih autonomi.

"Keempat, PBT harus wujudkan persekitaran yang lestari dalam masyarakat kerana setiap agenda pembangunan turut mengambil kira aspek kesejahteraan hidup.

"Kelima, PBT harus mempunyai sistem komunikasi yang menyeluruh dan berkesan supaya rakyat mudah memahami hala tuju pembangunan kita di Johor," katanya.

Dengan cara ini, beliau berkata, rakyat dapat merancang masa depan mereka dengan lebih baik kerana memahami aspirasi dan pelan kerajaan.





# HARIAN METRO



**MOHAMED Khaled** merasmikan Konvensyen Ahli-Ahli Majlis dan Hari Terbuka Pelan Transformasi PBT di Johor Bahru.

## Garis lima panduan

HM 9/8/16

### ■ Usaha tingkat kecekapan PBT

**Mary Victoria Dass**  
maryvictoria@fmetro.com.my

#### Johor Bahru

**D**alam usaha meningkatkan kecekapan sistem penyampaian, kerajaan negeri menggariskan lima perkara sebagai panduan pihak berkuasa tempatan (PBT).

Menteri Besar Datuk Seri Mohamed Khaled Nordin berkata, berdasarkan lima perkara berkenaan, setiap PBT mampu memodenkan perkhidmatan masing-masing. Beliau berkata, perkara pertama adalah penggunaan modal insan yang perlu menjadi sasaran dalam setiap perancangan, pembangunan dan pengurusan sumber manusia PBT.

Menurutnya, setiap PBT memerlukan tenaga kerja yang bukan saja rajin, berintegriti dan ikhlas bekerja, tetapi mesti terdiri daripada golongan pekerja yang cekap, berkemahiran tinggi serta profesional.

"Perkara kedua perlu diberi perhatian adalah fokus kepada peningkatan inovasi dan kreativiti yang juga cabaran paling besar menjadi keengganan pelbagai pihak untuk berubah.

"Ketiga, PBT seharusnya mempunyai strategi pengurusan kewangan sendiri. Setiap PBT lebih mengetahui berkaitan potensi dan keperluan kawasan mereka selain ruang yang bagaimana boleh meningkatkan hasil mereka," katanya.

Mohamed Khaled berkata demikian ketika berucap pada majlis perasmian Konvensyen Ahli Majlis PBT Johor sesi 2016/2017 dan pelancaran Hari Terbuka Pelan Transformasi PBT Johor di sini, kelmarin.

Katanya, perkara keempat adalah keperluan PBT untuk membuat perancangan dan pelan tindakan strategik masing-masing. Beliau berkata, ia merujuk kepada strategi mengoptimalkan penggunaan perskitaran secara lestari dan strategik.

"Perkara terakhir adalah semua PBT seharusnya mempunyai sistem komunikasi yang menyeluruh dan berkesan.

"Bagi menterjemahkan perkara ini, kita harus menyampaikan segala hasrat, perancangan dan pelaksanaan kepada rakyat dengan cara yang mudah dan berkesan.

"Dengan cara ini, rakyat akan dapat melihat dan merancang masa depan mereka dengan lebih baik," katanya.

**FAKTA**  
Setiap PBT mampu moden perkhidmatan



# UTUSAN MALAYSIA

TUNKU IDRIS ISKANDAR SULTAN IBRAHIM (dua dari kanan) diberi penerangan mengenai kayu gaharu yang telah diproses sambil diperhatikan oleh Steve Watts (dua dari kiri) pada majlis MoU antara Johor Motorsports dan Asia Plantation Capital Berhad di Taman Industri Masai di Johor Bahru, kelmarin. - UTUSAN/RAJA JAAFAR ALI



um 9/8/16

## Johor Circuit dibangun semula

Oleh NURUL HUDA HASSAN  
ekonomi@utusan.com.my

■ JOHOR BAHRU 8 OGOS

Buat masa ini kita berada pada tahap akhir untuk memuktamadkan rekaan baharu bagi Johor Circuit sebelum kita mulakan langkah seterusnya."

**DENIS LIAN**  
Ketua Pegawai Eksekutif Johor Motorsports Sdn. Bhd. (JMS)

LITAR lumba antara yang terawal dibina di negara ini, Johor Circuit di Pasir Gudang bakal dibangunkan semula sejajar usaha menyediakan gaya hidup kemudahan sukan permotoran bertaraf dunia menjelang tahun 2018.

Pembangunan semula litar itu juga bakal dilengkapi penanaman pelbagai pokok gaharu selain buluh dan tumbuhan lain di atas tanah seluas 20 hektar dengan sasaran menjadikannya litar berkonsepkan neutral karbon, pertama seumpamanya di dunia.

Tampa mahu mendedahkan kos pembangunan semula Johor Circuit itu, Ketua Pegawai Eksekutif Johor Motorsports Sdn. Bhd. (JMS), Denis Lian berkata, projek tersebut apabila siap kelak

boleh dinikmati semua lapisan masyarakat.

Menurutnya, projek pembangunan semula di atas tanah seluas 80 hektar itu bakal dilengkapi pusat komersial antaranya pusat beli-belah, komuniti berpagar, akademi litar lumba, trek lumba selain kemudahan lain.

"Buat masa ini kita berada pada tahap akhir untuk memuktamadkan rekaan baharu bagi Johor Circuit sebelum kita mulakan langkah seterusnya bagi membangunkan semula ia menjadi litar lumba dilengkapi pembangunan hijau.

"Projek itu dijangka mengambil masa antara 24 hingga 36 bulan untuk siap," katanya selepas majlis menandatangani memorandum persefahaman (MoU) antara JMS dan Asia Plantation Capital Bhd. (APCB) di sini semalam.

MoU bagi penanaman pelbagai jenis pokok antaranya gaharu dan buluh itu ditandatangani oleh

Pengerusi JMS, Tunku Temenggong Johor, Tunku Idris Sultan Ibrahim dan Ketua Pegawai Eksekutif APCB, Steve Watts.

Lian berkata, apabila siap kelak, Johor Circuit akan dilengkapi antaranya litar sepanjang empat kilometer dengan 12 selekoh yang menepati piawaian Persekutuan Automobil Antarabangsa (FIA) Kelas 2.

Dalam pada itu, mengulas MoU tersebut, Watts berkata, pihaknya akan menanam lebih 40,000 gaharu di kawasan yang diperuntukkan di situ dan dijangkakan kerjasama tersebut dapat dimulakan dalam tempoh enam bulan lagi.

"Kami gembira untuk menjayakan projek ini kerana usaha menanam pokok tersebut di sebuah litar lumba di Johor Circuit itu adalah yang pertama seumpamanya di dunia dan kami akan menggunakan pengalaman yang ada untuk menjayakannya," katanya.





# THE STAR

## Foreign residents play their part in the fight against dengue in Pasir Gudang



STAR 9/8/16

**PASIR GUDANG:** Foreigners are joining the fight to curb the dengue fever menace by taking part in *gotong-royong* activities together with local residents to clean the surrounding areas of their neighbourhood.

Bangladeshi factory worker Amdadul Hoque, 28, who has been living in Taman Mawar here for nine years said it was the responsibility of locals and foreigners alike to ensure their neighbourhoods were free of illegal dumping sites.

"Illegal dumping sites could attract rodents, stray dogs and cats and become the perfect breeding ground for aedes mosquitoes," he said during a *gotong-royong* programme attended by Pasir Gudang MP Normala Abdul Samad here on Sunday.

Amdadul said that he always joins any *gotong-royong* and dengue awareness programmes conducted for the community, especially to clear rubbish at illegal dumpsites in the area.

Another Bangladeshi, Jalal Ali



1 Taman Mawar residents including foreigners cleaning up the area during a *gotong-royong* programme.

2 Pasir Gudang MP Normala Abdul Samad (third from right) launching the programme.

— Photos:  
NORBAITI  
PHAHARORADZI/  
The Star

Hussain, 38, fully supported the cleaning activities involving local residents and foreign workers living in the area as dengue cases could affect everyone regardless of their skin colour, race or nationality.

"It is better to be safe than sorry and when there is an outbreak, it might be too late for us to control the situation," he said, adding that he always reminded his housemates to keep their house compound clean.





# HARIAN METRO

HM 9/8/16

## Belum capai standard macam negara maju

**Johor Bahru:** Meskipun jumlah kemalangan maut di negara ini menurun dalam tempoh tiga tahun kebelakangan ini, puratanya masih belum mencapai standard penurunan kemalangan di negara maju.

Timbalan Ketua Pengarah Jabatan Keselamatan Jalan Raya (JKJR) Datuk Roslan Eusoff berkata, „purata kemalangan maut di negara maju hanya lima kes sehari dan mereka mempunyai sistem serta rangkaian jalan raya baik serta selamat.

“Sebagai contoh, secara purata, 18 kes kemalangan maut dicatatkan setiap hari sepanjang tahun lalu dan daripada jumlah itu, 10 mangsa adalah penunggang dan pembonceng motosikal serta selebihnya pemandu kenderaan lain.

“Jika dibandingkan tahun sebelumnya, statistik menurun sedikit iaitu 19 kes kemalangan maut setiap hari pada 2014 berbanding pada 2013. Walaupun semakin menurun, jumlah ini masih tinggi sebenarnya,” katanya ketika merasmikan Kempen Keselamatan Jalan Raya di Sekolah Dengan Kerjasama Petron Malaysia Refining & Marketing Berhad di Dewan Utama Sekolah Menengah



**ROSLAN** (dua dari kanan) menyampaikan siji penghargaan kepada Ketua Turus Jabatan Ketenteraman Awam dan Trafik Negeri, Superintenden Baharudin Mat Taib.

Kebangsaan (SMK) Kota Masai 2, dekat sini, semalam.

Hadir sama, Pengarah Jabatan Pengangkutan Jalan (JPJ) Negeri Johor, Mohd Rus di Mohd Darus, Pengurus Keselamatan, Sekuriti, Kesihatan dan Alam Sekitar Petron Malaysia, Lokman Hani dan Pengetua SMK Kota Masai 2, Roslan Mohd Yusof.

Roslan berkata, berikutan itu JKJR akan lebih banyak menganjurkan program dan kempen keselamatan jalan raya di sekolah dan universiti awam termasuk di taska

dan tadika.

Katanya, menerusi usaha itu diharapkan kefahaman, kesedaran, tanggungjawab dan disiplin dapat dipertingkatkan, sekali gus mengurangkan kadar kemalangan maut walaupun untuk mencapai sifar kemalangan maut adalah amat sukar.

Mengenai kempen itu, beliau berkata, pihaknya dengan kerjasama Petron Malaysia memilih SMK Kota Masai 2 sebagai sekolah pertama di negara ini untuk kempen diikuti sebuah lagi sekolah di negeri ini.

